

宋之問集卷上

賦

秋遊賦 并序

天授元年敕學士楊炯與之問分直於洛城西入  
閣每雞鳴後至羽林伏闕人奏名請龜契佇命拱  
立于御橋之西玉池清泠紅葉幽蒼謬履扃闥自  
春徂秋見其生視其長觀其盛惜其衰得終天年

永嘉張遜業有功校正

江都黃 淳子篤梓行

藏書印

國家圖書館 NATIONAL CENTRAL LIBRARY, TAIWAN, R.O.C.





而無夭折者良以隔礙仙禁人莫由窺向若生於  
瀟湘洞庭溱洧淇澳卽有吳姬越客鄭女衛童芳  
心未成採擷都盡今委以白露順以涼風榮落有  
期私分畢矣斐然顧歌其事久之乃述秋蓮賦焉  
若夫西城祕掖北禁仙流見白露之先降悲紅蕖  
之已秋昔之齒菡齊秀芳敷競發君門闕兮九重  
兵衛儼兮千列綠蒂青枝綠溝覆池映連旗以搖  
艷輝長劍兮陸離疏灑兮裂轂交流兮相沃四繞  
兮丹禁三匝兮承明曉而望之若霓裳宛轉朝王

京夕而察之若霞標灼爍散赤城旣如秦女艷日  
兮鳳鳴又似洛妃拾翠兮鴻鷺足使瑤草罷色芳  
樹無情複道兮詰曲離宮兮相屬飛閣兮周廬金  
鋪兮璧除君之駕兮旖旎蓮之葉兮扶疎萬乘顧  
兮駐綵騎六宮喜兮停羅裾仰仙遊而德澤縱玄  
覽而神虛豈與夫溪澗兮沼沚自生兮自死海沂  
兮江淹萬里兮煙波泛漢女遊湘娥佩鳴玉戲清  
渦中流欲渡兮木蘭楫幽泉一曲兮採蓮歌江南  
兮峴北汀洲兮不極旣有芳兮莎城長無依兮水



國豈知移植天泉香飄列仙嬌紫臺之月露含玉  
宇之風煙雜葩兮照燭衆彩兮相宣鳥翡翠兮丹  
青翰樹珊瑚兮林碧鮮夫其生也春風盡蕩燦日  
相煎天桃盡兮穠李滅出大堤兮艷欲燃夫其謝  
也秋灰度管金氣騰天宮槐疎兮井桐變搖寒波  
兮風颯然歸根息艷兮八九月乘化無窮兮千萬  
年越人望兮已長久鄭女採兮無由緣何深蒂之  
能固何穠香之獨全別有待制楊雄悲秋宋玉夏  
之來兮翫早紅秋之暮兮悲餘綠禮盛燕臺人非  
之可哀託芙蓉以爲媒

太平公主池山賦

粵若公主誕生皇家太平徵郡國以選號叶時邕  
之美名孕靈蛾之秀彩輝嫠女之淳精虹美霓熠  
蘭香玉清稟金后之玄訓係列聖之聰明厭綺羅  
與絲竹愛清池及赤城構仙山兮旣畢侔造化之



神術其爲狀也攢恠石而岑峯其爲異也含清風  
之蕭瑟列海岸而爭聳分水亭而對出其東則峯  
崖刻劃洞穴縈迴乍若風飄雨灑兮移鬱島又似  
波沉浪息兮見蓬萊圖萬重于積石匿千嶺於天  
台荆門揭起兮壁峻少室叢生兮劔開削成秀絕  
蓮華之覆高堂獨立窈窕神女之戲陽臺爾其樵  
山釣浦茅堂菌閣秘僊洞之瓊膏隱山家之塲藿  
煙岑水涯繚繞逶迤翠蓮瑤草的皪分披映江濱  
而爛爛浮海上而纍纍迺之罟與衡霍豈吾人之

所爲向背重復參差及覆翳蒼蒙籠含青吐紅陽  
崖奪景陰壑生風奇樹抱石新花灌叢向若天長  
地久兮苔蘚合古往今來兮林澗空始燕秦而開  
影訪靈藥乎其中其西則翠屏巉岩山路詰曲高  
閣祥雲丹岩吐綠忽兮旣涉弱水兮至崑崙杳兮  
宜乘龍梁兮向巴蜀狀岷嶓兮連屬鬱氛氲兮斷  
續岩虛兮谷浚藏清兮蓄韻含珠兮蘊玉衆彩兮  
明澗芳閣暮兮白日沉爽氣浮兮黛壑深風泉活  
活兮鳴石葛藟青青兮蔓岑羅八方之奇獸聚六



合之珍禽別有複道三襲平臺四注跨渚兮交林  
蒸雲兮起霧鴛鴦水兮鳳凰樓文虹橋兮彩鷁舟  
山池成兮帝子遊試一望兮銷人憂召七賢集五  
侯棹浦曲席岩幽鳴玉珮兮登降列金觴兮獻酬  
未窮觀而極覽忽雲散而風流于是乎上客既旋  
重宿嚴閉榜童儼而高發綵女分而爲衛牽水葉  
兮張水嬉摘山花兮詠山桂燕偃鷗驚兮代所稀  
鳳舞鸞歌兮儼欲飛披煙弄月兮宵未歸桂枝青  
露兮濕羅衣奕奕濟濟兮夜旋玉邱隱隱崇崇兮

朝趨帝宮銀爐合席煙生霧集絳節繽紛揚光吐  
文行軒卽水去馬騰雲鏘鏘翼翼兮旋丹闕超向  
紫氛寵極兮慈掌情勤兮幽賞戀宸房兮候幽入  
憶茲山兮來往採珠萼兮山之側步蘭庭兮候顏  
色掇綠蘋兮于澗潦宜室家兮叶仇好卽而貞心  
內潔淑則遠傳談者聞之而必勸缺薄者聞之  
而凜然况復淮王招隱秦主隨仙弄子房之琴瑟  
驅碧落之風煙賓屈宋於珠履引鄒枚於玳筵秋  
華飛兮散紅樹春苔生兮覆綠泉春秋寒暑兮歲



榮落林巒沼沚今日芳鮮吾君永享南山壽車騎  
往來千萬年

五言古詩

初到陸渾山莊

授衣感窮節策馬凌伊關歸齊逸人趣日覺秋琴  
閒寒露衰北阜夕陽破東山浩歌步岑樾棲鳥隨  
我還

夜飲東亭

春水鳴大壑皓月吐層岑岑壑景色佳慰我遠遊

心暗芳足幽氣驚棲多衆音高興南山曲長謠橫  
素琴

送趙六貞固

目斷南浦雲心醉東郊柳怨別此何時青芳來已  
久與君共時物盡此盈樽酒始願今不從春風戀  
携手

題張老松樹

歲晚東岩下周顧何悽惻日落西山陰衆草起寒  
色中有喬松樹使我長嘆息百尺無寸枝一生自



孤直

夜渡吳松江懷古

宿帆震澤口曉渡松江濱  
櫂發魚龍氣舟衝鴻鴈羣  
寒潮頓覺滿暗浦稍將分  
氣赤海生日光清湖起雲  
水鄉盡天衛嘆息爲吳君  
謀士伏劍死至今悲所聞

別之望後獨宿藍田山莊

鶴鴿有舊曲調苦不成歌  
自嘆兄弟少常嗟離別多  
爾尋北京路予卧南山阿  
泉晚更幽咽雲秋尚

差我藥欄聽蟬噪書幌見禽過  
愁至願非寢其如鄉夢何

浣紗篇贈陸上人

越女顏如花越王聞浣紗  
國微不自寵獻作吳王娃  
女藪半潛匿苧羅吏蒙遮  
一行覆勾踐再顧傾夫差  
艷色奪常人數頰亦相誇  
一朝還舊都覩粧華若耶  
鳥鷺入松網魚畏沉荷花  
始覺冶容妾方悟羣心邪  
欽子秉幽意世人共稱嗟  
願言托君懷倘類蓬生麻  
家住雷門曲高閣凌飛霞  
淋漓翠羽



東晉書卷之四  
新  
帳旖旎采雲車春風艷楚舞秋月纏胡笳自昔專  
嬌愛襲玩唯矜奢達本知空寂棄波猶泥沙永割  
偏執性自長薰修牙携妾下障道來上妾西家

桂州黃潭舜祠

虞世巡百越相傳葬九疑精靈遊此地祠樹日光  
輝禋祭忽羣望丹青圖二妃神來獸率舞仙去鳳  
還飛日暝山氣落江空潭靄微帝鄉三萬里乘彼  
白雲歸

雨從箕山來

雨從箕山來倏與飄風度晴明西峰日綠纏南溪  
樹此時客精廬幸蒙真僧顧深入清淨理妙斷往  
來趣意得兩契如言盡共忘諭觀花寂不動聞鳥  
懸可悟向夕聞天香淹留不能去

初至崖口

崖口衆山斷嶽峯聳天壁氣衝落日紅影入春潭  
碧錦纈織苔蘚丹青畫松石水禽泛容與岩花飛  
的皜微路從此深我來恨于役惆悵情未已羣峰  
暗將夕



自湘源至潭州衡山縣

浮湘沿迅湍逗浦凝遠盼漸見江勢濶行嗟水流  
漫赤岸雜雲霞綠竹綠溪澗向背羣山轉應接良  
景晏香障連夜猿平沙覆陽鴈紛吾望闕容歸橈  
速已慣中道方泝洄遲念自茲撰賴欣衡陽美持  
以蠲憂患

入崖口五渡寄李適

抱琴登絕壑伐木泝清川路極意謂盡勢迴趣轉  
綿人遠草木秀山深雲影鮮余負海嶠情自昔微

尚然彌曠十餘載今來宛仍前未窺仙源極獨進  
野人船時攀乳竇憇屢薄天窓眠夜絃嚮松月朝  
楫弄苔泉因冥象外理永謝區中緣碧潭可遺老  
丹砂堪學仙莫使馳光暮空令歸鶴憐

洞庭湖

地盡天水合朝及洞庭湖初日當中涌莫辨東西  
隅晶耀目何在滢熒心欲無靈光晏海若游氣耿  
天吳張樂軒皇至征苗夏禹徂楚臣悲落葉堯女  
泣蒼梧野積九江濶山通五嶽圖風恬魚自躍雲



夕鴈相呼獨此臨泛漾浩將人代殊永言洗氛濁  
卒歲爲清娛要使功成退徒勞越大夫

景龍四年春祠海

肅事祠春溟霄齋洗蒙慮雞鳴見日出鷺下鷺濤  
鷺地闊八荒近天迴百川注筵端接空曲日外唯  
雰霧暖氣物象來周遊晦明互致牲匪玄享禋滌  
期靈煦的的波際禽云云島間樹安期今何在方  
丈蔑尋路仙事與世隔冥搜徒已屢西明北羣山  
遺老莫辨處撫中良自慨弱齡添恩遇三入文史

林兩拜神仙署雖嘆出關遠始知臨海趣賞來空  
自多理勝孰能喻留楫竟何待徒倚忽云暮

溫泉莊卧病寄楊七炯

多病卧茲嶺寥寥倦幽獨賴有高丘山高枕長在  
目茲山棲靈異朝夜翳雲族是日濛雨晴返景入  
巖谷暮暮澗畔草青青山下木此意方無窮環顧  
悵林麓伊洛何悠漫洲源信重複夏餘鳥獸蕃秋  
末禾黍熟秉願守樊圃歸閒欣藝牧惜無載酒人  
徒把涼泉掬



敬答田徵君

家臨清溪水溪水繞盤石綠蘿四面垂裊裊百餘  
尺風泉度絲管苔蘚鋪茵席傳聞潁陽人霞外漱  
靈液忽枉巖中翰吟卧朝復夕何當遂遠遊物色  
候逋客

自衡陽至韶州謁能禪師

謫居竄炎壑孤帆森不繫別家萬里餘流目三春  
際猿啼山館曉虹飲江臯霽湘岸竹泉幽衡峯石  
閣閉嶺嶂窮攀越風濤極沿濟吾師在衡陽欣此

得躬詣洗慮賓空寂香焚結精誓願以有漏驅羣  
薰無生惠物用益冲曠心源日閒細伊我獲此途  
遊道迴晚計宗師信捨法擯落文史藝坐禪羅浮  
中尋異南海齋何辭禦魑魅自可乘炎癘迴首望  
舊鄉雲林浩蕩蔽不作別離苦歸期多年歲

見南山夕陽召監師不至

夕陽黯黯暮山翠互明滅此中意無限要與開士  
說徒鬱仲舉思唯迴道林轍孤興欲待誰待此湖

上月



遊法華寺

薄遊京都日遙羨稽山名分刺江海郡竭來徵素  
情松露洗心眷象筵敷念誠薄雲界青嶂皎日騫  
朱薨苔澗深不測竹房閒且清感真六象具垂兆  
二鷓鳴古今信靈跡中州莫與京林巘永棲業豈  
伊佐一生浮悟雖已久事試去來成觀念幸相續  
庶幾最後明

宿雲門寺

雲門若耶裡泛鷓路纔通寅緣綠篠岸遂得青蓮

宮天香衆壑滿夜梵前山空漾漾潭際月飄飄杉  
上風茲焉多嘉遯數子今莫同鳳歸慨處士塵化  
聞仙公樵路鄭州北舉井阿巖東永夜豈云窳曙  
華忽葱蘢谷鳥嘯尚澁源桃驚未紅再詠期春暮  
當造林端窮庶幾蹤謝客開山投剡中

春湖古意

院梅發向八園鳥復成曲落日遊南湖果擲顏如  
玉含情不得語轉盼知所屬惆悵未可歸寧關須  
林葉



息夫人

可憐楚破息腸斷息夫人仍爲泉下骨不作楚王  
嬪楚王寵莫盛息君情更親情親怨生別一朝俱  
殺身

有所思

君子事行役再空芳歲期美人曠遙竹萬里浮雲  
思園桃綻紅艷郊葉葉綠滋坐看長夏晚秋月生  
羅帷

長安路

秦地平如掌層城出雲漢樓閣九衢春車馬千門  
日綠柳開復合紅塵聚還散日晚鬪鷄場經過狹  
斜看

芳樹

何地早芳菲宛在長門殿天桃色若綬穠李光如  
練啼鳥美花疎遊蜂飲香遍歎息春風起飄零君  
不見

遊陸渾南山自歇馬嶺到楓香林以詩代  
書荅李舍人適



東坡圖書  
卷之三  
晨登歇馬嶺遙望伏牛山孤出羣峰首熊羆元氣  
間太和亦崔嵬石扇橫閃倏細岑互攢倚浮巘競  
奔蹙白雲遙入懷青雲近可掬徒尋靈異迹周顧  
愜心目晨拂鳥路行暮投入煙宿間關踏雲雨繚  
繞緣水木西見商山芝南到楚鄉竹楚竹幽且深  
半雜楓香林浩歌清潭曲寄爾桃源心

早發大庾嶺

晨躋大庾險驛鞍馳復息霧露晝未開浩途不可  
測嶮起華夷界信爲造化力歇鞍問徒旅鄉關在

西北出門怨別家登嶺恨辭國自惟最忠孝斯罪  
惜所得皇明頗昭洗廷議日紛惑兄弟遠淪居妻  
子成異域羽翼傷已毀童幼憐未識踟躕戀北顧  
亭午晞霽色春暖陰梅花瘴回陽鳥翼含沙綠澗  
聚吻草依林植適蠻悲疾首懷鞏淚沾臆感謝鷓  
鷯朝勤修魑魅職生還倘非遠誓擬酬恩德

自洪府舟行直書其事

仲春辭國門畏途橫萬里越淮乘楚嶂造江泛吳  
汜嚴程無空隙日夜涉風木昔聞垂堂言將誠千



金子問余何奇剝遷竄極矣鄙揆已道德餘幻聞  
虛白旨貴身賤外物抗跡遠塵軌朝遊伊水湄夕  
卧箕山趾妙年拙自晦皎潔美文史謬辱紫泥書  
揮翰青雲裏事往每增傷寵來常誓止銘骨懷報  
稱逆鱗讓金紫安謂爨潛構退耕禍猶起棲巖實  
吾策觸藩誠內耻濟濟同時人台庭鳴劔履愚以  
卑自衛兀坐去沉滓迨茲理已極竊位申知己羣  
議負宿心獲戾光華始黃金忽銷鑠素業坐淪毀  
浩歎誣平生何獨戀松梓浦樹浮鬱鬱阜蘭覆靡  
撥長已矣

下桂江縣黎壁

放溜覲前淑連山分上千江回雲壁轉天小霧峰  
攢吼沫跳急浪合流環峻灘欹離出漩劃繚繞避  
渦盤舟子怯桂水最云斯路難吾生抱忠信吟嘯  
自安閒旦別已千歲夜愁勞萬端企予見夜月委



東晉圖書  
卷之四  
新編  
曲破林巒潭曠竹煙盡洲香橘露團豈傲風所好  
對之與俱歡思君罷琴酌泣此夜漫漫

奉使嵩山途經緱嶺

侵星發洛城城中歌吹聲畢景至緱嶺嶺上煙霞  
生草樹饒野意山川多古情大隱德所滿歸來可  
退耕

傷王七秘書監寄呈揚州陸表史通簡府

僚廣陵好事

王氏貴先宗衡門棲道風傳心晤有物秉化遊無

窮學奧九流異機玄二語同書乃墨場絕文稱詞  
伯雄白屋藩魏主蒼生期謝公一祇賢良詔遂謁  
承明宮補袞望奚塞尊儒位未充罷官七門裏歸  
老一丘中嘗忝長者轍微言私謂通我行會稽郡  
路出廣陵東物在人已矣都疑淮海空

使至嵩山尋杜四不遇慨然復傷田洗馬

韓觀主因以題壁贈杜侯杜四

洛橋瞻大室期子在雲煙歸來不相見孤賞美寒  
泉與君闊松石于茲二十年田公謝昭世韓子秘



幽挺憶昔同携手山棲接二賢笙歌入玄地詩酒  
生寥天舊友悉零落罷琴私自憐遊者非藥誤食  
霞意可全爲餘理還策相與事靈仙

翫郡齋海榴

澤國韶氣早開簾延霽天野禽宵未嘯山叢晝仍  
眠目茲海榴發列映巖楹前熠燿禦風靜歲莖含  
景鮮清晨綠堪佩亭午丹欲燃昔忝金閨籍嘗見  
玉池蓮未若宗族地更逢榮耀全南金雖自貴賀  
賞詎能遷撫躬萬里絕豈染一朝妍徒緣滯遐郡

常是惜流年越俗鄙章甫捫心空自憐

七言古詩

下山歌

下嵩山兮多所思携佳人兮步遲遲松間明月長  
如此君再遊兮復何時

軍中人日登高贈房明府

幽郊昨夜陰風斷頓覺朝來陽吹暖涇水橋南柳  
欲黃杜陵城北花應滿長安昨夜寄春衣短翮登  
茲一望歸聞道凱旋乘騎入看君走馬見芳菲



寒食陸渾別業

洛陽城裏花如雪  
陸渾山中今始發  
旦別河橋楊柳風  
夕卧伊川桃李月  
伊川桃李正芳新  
寒食山中酒復春  
野老不知堯舜力  
酣歌一曲太平人

寒食江州滿塘驛

去年上巳洛橋邊  
今年寒食廬山曲  
遙憐鞏樹花應滿  
復見吳洲草新綠  
吳洲春草蘭杜芳  
感物思歸懷故鄉  
驛騎明朝發何處  
猿聲今夜斷君腸

至端州驛見杜五審言沈三佺期闋五朝

隱王二無競題壁慨然成咏

逐臣北地承嚴譴  
調到南中每相見  
豈意南中岐路多  
千山萬水分鄉縣  
雲搖雨散各翻飛  
海闊天長音信稀  
處處山川同瘴癘  
自憐能得幾人歸

明河篇

八月涼風天氣清  
萬里無雲河漢明  
昏見南樓清且淺  
曉落西山縱復橫  
洛陽城闕天中起  
長河夜夜千門裏  
複道連甍共蔽虧  
畫堂瓊戶特相宜  
雲母帳前初泛濫  
水晶簾外轉逶迤  
倬彼昭回如練



白復出東城接南陌南陌征人去不歸誰家今夜  
擣寒衣鴛鴦機上疎螢度烏鵲橋邊一鴈飛鴈飛  
螢度愁難歇坐見銀河漸微沒已能舒卷任浮雲  
不惜光輝讓流月明河可望不可親願得乘槎一  
問津更將織女支機石還訪城都賣卜人

龍門應制

宿雨霽氛埃流雲度城闕河堤柳新翠苑樹花先  
發洛陽花柳此時濃山水樓臺映幾重羣公拂霧  
朝翔鳳天子乘春幸鑿龍鑿龍近出王城外羽從

淋漓擁軒蓋雲蹕繞臨御水倚天衣已入香山會  
山壁嶄巖斷復連清流澄徹俯伊川鴈塔遙遙綠  
波上星龕奕奕翠微邊層巒舊長千尋木遠壑初  
飛萬丈泉綵仗紅旌遙香閣下輦登高望河洛東  
城宮闕擬昭回南陌清塋殊綺錯林下天香七寶  
臺山中有酒萬年杯微風一起祥花落仙樂初鳴  
瑞鳥來鳥來花落紛無已稱觴獻壽香霞裡歌舞  
淹留景欲斜石間猶駐五雲車鳥旌翼翼留芳草  
龍騎駸駸映晚花千乘萬騎鑿與出水靜山空巖



警蹕郊外喧喧引看人傾都南望屬車塵鷺聲引  
颺聞黃道王氣周回入紫宸先王定鼎山河固寶  
命乘周萬物新吾君不事瑤池樂時雨來觀農扈  
春

有所思

洛陽城東桃李花飛來飛去落誰家幽閨女兒惜  
顏色坐見落花長歎息今年花落顏色改明年花  
開復誰在已見松柏摧爲薪更聞桑田變成海古  
人無復洛城東今人還對落花風年年歲歲花相

似歲歲年年人不同寄言全盛紅顏子須憐半死  
白頭翁此翁白頭真可憐伊昔紅顏美少年公子  
王孫芳樹下清歌妙舞落花前光祿池臺文錦綉  
將軍樓閣畫神仙一朝卧病無相識三春行樂在  
誰邊婉轉蛾眉能幾時須臾鶴髮亂如絲但看古  
來歌舞地唯有黃昏鳥雀飛

王子喬

王子喬愛神仙七月七日上賓天白虎搖瑟鳳吹  
笙乘騎雲氣喻日精喻月精長不歸遺廟今在而



人非空望山頭草草露濕人衣

嵩山天門歌

登天門兮坐盤石之磷砢前澹澹兮未半下漠漠  
兮無垠紛窈窕兮巖倚披以鵬翅洞膠葛兮峰稜  
層以龍鱗松移岫轉左變而右易風生雲起出鬼  
而入神吾亦不知其靈恠如此願遊杳冥兮見羽  
人重曰天門兮穹崇迴合兮攢藜松萬接兮柱日  
石千尋兮倚空晚陰兮足風夕陽兮施紅試一望  
兮奪魄况衆妙之無窮

冬宵引

河有冰兮山有雪北戶墜兮行人絕獨坐山中兮  
對松月懷美人兮屢盈缺明月的的寒潭中青松  
幽幽吟徑風此情不向俗人說愛而不見恨無窮

放白鷗篇

故人贈我綠綺琴兼致白鷗鳥琴是嶧山桐鳥出  
吳溪中我心松石清霞裡弄此幽絃不能已我心  
河海白雲垂憐此珍禽空自知著書晚下麒麟閣  
幼稚驕痴候門樂乃言物性不可違白鷗愁慕刷



毛衣玉徽閉匣留爲念六翮開籠任爾飛

新編

綠竹引

青溪綠潭潭水側脩竹嬋娟同一色徒生仙實鳳  
不遊老死空山人詎識妙年秉願逃俗紛歸卧嵩  
丘美白雲含情傲睨慰心目何可一日無此君

桂州三月三日

代業京華裏遠投魑魅鄉登高望不見雲海四茫  
茫伊昔承休盼曾爲人所羨兩朝賜顏色二紀陪  
遊宴昆明御宿侍龍媒伊闕天泉復幾迴西夏黃

河水心劒東周清洛羽觴杯苑中落花掃還合河  
畔垂楊撥不開千春獻壽多行樂栢梁和歌攀磨  
作賜金分帛駐光輝風舉雲遙入紫微晨趨北闕  
鳴珂至夜出南宮把燭歸載筆儒林多歲月僕被  
文昌佐吳越越中山海高且深興來無處不登臨  
永和九年刺海郡暮春三月醉山陰愚謂嬉遊長  
似昔不言流寓歎成今始安繁華舊風俗悵飲傾  
城沸江曲主人絲管清且悲客子肝腸斷還續荔  
浦蘅臯萬里餘洛陽音信絕能疎故園今日應愁



思曲水何能更被除作伴誰憐合浦葉思歸豈食  
桂江魚不求漢使金囊贈願得佳人錦字書

初宿淮口


孤舟汴河水去國情無已晚泊投楚鄉明月清淮  
裏汴河東瀉路窮茲洛陽西顧日增悲夜聞楚歌  
思欲斷况值淮南木落時

高山引

攀雲窈窕兮上躋縣峰長路浩浩兮此去何從水  
一曲兮腸一曲山一重兮悲一重松檟邈已遠友

于何日逢况滿室兮童稚攢衆慮於心胸天高難  
訴兮遠負明德却望咸京兮揮涕龍鍾





國家圖書館, NATIONAL CENTRAL LIBRARY, TAIWAN, R.O.C.

卷一

宋之問集卷一

三

辛



宋之問集卷下

永嘉張遜業有功校正  
江都黃 埠子篤梓行

五言律詩

夏日仙萼亭應制

高嶺逼星河乘輿此日過  
野舍時雨潤山雜夏雲多  
睿藻光岩穴宸襟洽薜蘿  
悠然小天下歸路滿  
笙歌

春日芙蓉園侍宴應制



芙蓉秦地沼盧橘漢家園谷轉斜盤徑川迴曲抱  
源風來花自舞春入鳥能言侍宴瑤池夕歸途騎  
吹繁

扈從登封告成頌

複道開行殿鈎陳列禁兵和風吹鼓角佳氣動旗  
旌後騎迴天苑前山入御營萬方俱下拜相與樂  
昇平

松山嶺

翼翼高旌轉鏘鏘鳳輦飛塵銷清蹕路雲濕從臣

衣白羽搖丹壑天營逼翠微芳聲耀今古四海警  
宸威

麟趾殿侍宴應制

北闕層城峻西宮複道懸乘輿歷萬戶置酒望三  
川花柳含丹日山河入綺筵欲知陪賞處空外有  
飛煙

上陽宮侍宴應制得林字

廣樂張前殿重裘感聖心砌蕙霜月盡庭樹雪雲  
深舊渥驂宸御慈恩忝翰林微臣一何幸再得聽



琴

登禪定寺閣

梵宇出三天登臨望八川開襟坐霄漢揮手拂雲煙  
函谷青山外昆明落日邊東京楊柳陌少別已  
經年

泛鏡湖南溪

乘輿入幽棲舟行日向低岩花候冬發谷鳥作春啼  
杳嶂開天小叢篁夾路迷猶聞可憐處更在若  
耶溪

題大庾嶺北驛

陽月南飛鴈傳聞至此迴我行殊未已何日復歸  
來江靜潮初落林昏瘴不開明朝望鄉處應見隴  
頭梅

陸渾山莊

歸來物外情負杖闕岩耕源水看花入幽林採藥  
行野人相問姓山鳥自呼名去去獨吾樂無能愧  
此生

途中寒食



馬上逢寒食途中屬暮春可憐江浦望不見洛陽  
人北極懷明主南溟作逐臣故園腸斷處日夜柳  
條新

春日山家

今日遊何處春泉洗藥歸悠然紫芝曲晝掩白雲  
扉魚躍徧尋藻人閑屢采薇丘中無俗事身世兩  
相違

九月九日登慈恩寺浮圖應制

鳳刹侵雲半虹旌倚日邊散花多寶塔張樂布金

田時菊芳仙醞秋蘭動睿篇香街稍欲晚清蹕扈  
歸天

奉和聖制閏九月九日登莊嚴總持二寺

閣

閏月再重陽仙輿歷寶坊帝歌雲稍白御酒菊猶  
黃風鐸喧行漏天花拂舞行豫遊多景福梵宇日  
生光

奉和梁王宴龍泓應教得微字

水府淪幽壑星輅下紫微鳥驚司僕馭花落侍臣



衣芳樹搖春晚晴雲繞座飛淮王正留客不醉莫  
言歸

奉和聖製立春剪綵花應制

金閣粧仙杏瓊筵美綺梅人間都未識天上忽先  
開蝶繞香絲住蜂憐彩艷迴今年春色早應爲剪  
刀催

春日宴宋主簿山亭得寒字

公子正邀歡林亭春未闌攀岩踐苔易迷路出花  
難窓覆垂楊暖堦侵瀑水寒帝城歸路直留興接

鷓鴣

緱山廟

王子賓仙去飄飄笙鶴飛徒聞滄海變不見白雲  
歸天路何其遠人間此會稀空歌日云暮霜月漸  
微微

奉和九日侍宴應制

令節三秋晚重陽九日歡仙杯還泛菊寶饌且調  
蘭御氣雲霄近乘高宇宙寬今朝萬壽別宜向曲  
中彈



奉和九日登慈恩寺浮圖應制

瑞塔千尋起仙輿九日來  
莫房陳寶席菊蕊散花  
臺御氣鵬霄近升高鳳  
野開天歌將梵樂空裏共  
徘徊

送沙門泓景道俊玄奘還荊州應制

三乘歸淨域萬騎餞通裝  
就日離亭近彌天別路  
長荊南旋杖鉢渭北限津梁  
何日紆真果還來入  
帝鄉

春日芙蓉園侍宴應制

年光竹裏遍春色杏間遙  
煙氣籠青閣流文蕩畫  
橋飛花隨蝶舞艷曲伴鶯嬌  
今日陪歡豫還疑陟  
紫霄

詠笛

羌笛馮龍聲長吟入夜清  
關山孤月下來向隴頭  
鳴逐吹梅花落含春柳色  
驚行觀向子賦坐憶舊  
隣情

詠鍾

既接南隣磬還隨北里笙  
平陵通曙嚮長樂警宵



東坡先生詩集卷下  
新編  
聲秋至含霜動春歸應律鳴豈惟恒待扣金籥有  
餘清

送朔方何侍郎

開道雲中使乘驄往復還河兵守陽日塞虜失陰  
山拜職嘗隨驃銘功不讓班旋聞受降日歌舞入  
蕭關

荅李司戶

遠方來下客輜軒攝使臣美琴宜在夜傾酒貴逢  
春駟馬留孤館雙魚贈故人明朝散雲雨遙仰德

爲隣

梅花落

鐵騎幾時迴金閨怨早梅雪花已落風暖葉還  
開夕逐新春管香迎小歲杯盛時何足貴書裏報  
輪臺

江亭晚望

浩渺浸雲根煙嵐出遠村鳥歸沙有跡帆過浪無  
痕望水知柔性看山欲斷魂縱情猶未已迴馬欲  
黃昏



扈從登封途中作

帳殿鬱崔嵬仙遊實壯哉曉雲連暮捲夜火雜星  
回谷暗千旗出山鳴萬乘來扈從良可賦終乏揆  
天材

旅宿淮陽亭口號

九齡集中亦有此作

日暮風亭上悠悠旅思多故鄉臨桂水今夜渺星  
河暗草霜華發空庭鴈影過興來誰與語勞者自  
爲歌

駕出長安

昌齡集中亦有此作

聖德超千古皇風扇九圍天迴萬象出駕動六龍  
飛淑氣來黃道祥雲覆紫微太平多扈從文物有  
光輝

幸少林寺應制

糾宇橫天室迴鑿指帝休曙陰迎日盡春氣抱岩  
流空樂繁行漏香煙薄綵游玉膏從此泛仙馭接  
浮丘

江南曲

妾往越城南離居不自堪採花驚曙鳥摘葉餒春



蠶懶結茱萸帶愁安玳瑁簪侍臣消瘦盡日暮碧  
江潭

岳寺應制

暫幸珠筵地俱憐石瀨清泛流張翠幕拂迥挂紅  
旌雅曲龍調管芳罇蟻泛航陪歡玉座晚復得聽  
金聲

冬夜寓直麟閣

直事披三省重關秘七門廣庭憐雪淨深屋喜爐  
溫月幌花虛馥風窓竹暗喧東山白雲意茲夕寄

琴樽

寄天台司馬道士

卧來生白髮覽鏡忽成絲遠媿飡霞子童顏且自  
持舊遊惜疎曠微尚日磷緇不寄西山藥何由東  
海期

送田道士使蜀投龍

風馭忽冷然雲臺路幾千蜀門峰勢斷巴字水形  
過人隔壺中地龍遊洞裏天贈言迴馭日圖盡彼  
山川



遊韶州廣界寺

影殿臨丹壑香臺隱翠霞  
巢飛含象鳥砌蹋雨空  
花寶鐸搖初霽金池映晚沙  
莫愁歸路遠門外有三車

宿清遠峽山寺

香岫懸金刹飛泉界石門  
空山唯習靜中夜寂無  
喧說法初聞鳥看心欲定  
猿寥寥隔塵事何異武陵源

秋晚遊普耀寺

薄暮曲江頭仁祠暫可留  
山形無隱霽野色遍呈  
秋花覆香泉密藤綠寶樹幽  
平生厭塵事過此忽悠悠

使往天平軍馬約與陳子昂  
新鄉爲期及還而不相遇

入衛期之子吁嗟不少留  
情人去何處淇水日悠悠  
恒碣青雲斷衡漳白露秋  
知君心許國不是愛封侯

送許州宋司馬赴任



東坡先生詩集卷下  
新編  
穎郡水東流荀陳兄弟遊遍傷茲日遠獨向聚星  
州河潤在明德人康非外求當聞力爲政遙慰我  
心愁

送趙司馬赴蜀州

餞子西南望煙綿劍道微橋寒金鴈落林曙碧雞  
飛職拜輿方遠仙成履會歸定知和氏璧遙掩玉  
輪輝

送永昌蕭贊府

柳變曲江頭送君函谷遊美琴寬別意酌酒醉春

愁戀本亦何極贈言微所求莫令金谷水不入故  
園流

送李侍御

行李戀庭闈乘輅振綵衣南登指吳服北走出秦  
畿去國夏雲斷還鄉秋鴈飛旋聞郡計入更有使  
臣歸

餞湖州薛司馬

別駕促嚴程離筵多故情交深季作友義重伯爲  
兄鎮靜移吳俗風流在漢京會看陳仲舉從此拜



公卿

送杜審言

卧病人事絕聞君萬里行  
河橋不相送江樹遠含  
情別路追孫楚維舟吊屈平  
可惜龍泉劍流落在  
豐城

留別之望舍弟

同氣有三人分飛在此晨  
西馳巴嶺微東去洛陽  
濱強飲離前酒終傷別後神  
誰憐散花萼獨赴日  
南春

漢江宴別

漢廣不分天舟移杳若仙  
秋虹映晚日江鶴失晴  
煙積水浮冠蓋遙風逐管絃  
嬉遊不可極留恨此  
山川

端州別袁侍郎

合浦塗木極端溪行暫臨  
淚來空泣臉愁至不知  
心容醉山月靜猿啼江樹  
深明朝共分手之子愛  
千金

渡吳江別王長史



倚棹望茲川銷魂獨黯然鄉連江北樹雲斷日南  
天劍別龍初沒書成鴈不傳離舟意無限催渡復  
催年

度大庾嶺

度嶺方辭國停輶一望家魂隨南翥鳥淚盡北枝  
花山雨初含霽江雲欲變霞但令歸有日不敢恨  
長沙

經梧州

南國無霜霰連年見物華青林暗換葉紅蕊續開

花春去聞山鳥秋來見海槎流芳雖可悅會自泣  
長沙

送姚侍御出使江東

帝憂河朔郡南發海陵倉坐歎青春別逶迤碧水  
長飲冰朝受命衣錦晝還鄉爲問東山桂無人何  
自芳

內題賦得巫山雨

神女向高唐巫山下夕陽徘徊作行雨婉變逐荆  
王電影江前落雷聲峽外長霽雲無處所臺館曉



蒼蒼

王昭君

非君惜鸞殿非妾妬娥眉薄命由驕虜無情是畫師  
嫁來胡地日不並漢宮時辛苦無聊賴何看上  
馬辭

過蠻洞

越嶺千重合蠻溪十里斜竹迷樵子徑萍匝釣人  
家林暗交楓葉園香覆橘花誰憐在荒外孤賞足  
雲霞

牛女

粉席秋期緩針樓別怨多奔龍爭渡月飛鷓亂填  
河失喜先臨鏡含羞未解羅誰能留夜色來夕倍  
還梭

巫山高

巫山峰十二環合象昭回俯聽琵琶峽平看雲雨  
臺古槎天外落瀑水日邊來何忍猿啼夜荆王枕  
席開

壽陽王花燭圖



仙媛乘龍日天孫捧鴈來可憐桃李徑更繞鳳凰  
臺燭照香車入花臨寶扇開莫令銀箭曉爲盡合  
歡杯

過史正議宅

舊交此零落雨泣訪遺塵几傳好事池臺傷故  
人國香蘭已歇里樹橘猶新不見吳中隱空餘江  
海濱

折楊柳

玉樹朝日映羅帳春風吹拭淚攀楊柳長條宛地

聖白花飛歷亂黃鳥思參差妾自肝腸斷傍人那  
得知

送武進鄭明府

絃歌試宰日城闕賞心違北謝蒼龍去南隨黃鵠  
飛夏雲海中出吳山江上微昨歌豈云遠從此慶  
緇衣

晚泊湘江

五嶺恹惶客三湘顛顛顏况復秋雨霽表裏見衡  
山路逐鵬南轉心依鴈北還唯餘望鄉淚更染竹



成班

山莊

宦遊非吏隱心事好幽偏  
考室先依地爲農且用  
天朝川朝伐木藍水暮澆田  
馭于泰山老相歡春  
酒前

梁宣王挽詞三首

貴藩堯母族外戚漢家親  
業重興王際功高復辟  
辰愛賢唯報國樂善不防身  
今日衣冠送空傷置  
醜人

金精何日閉玉匣此時開  
東望連吾子南瞻近帝  
臺地形龜食報墳土燕  
銜來可歎虞歌夕紛紛  
騎  
吹迴

像設千年在平生萬事違  
綵旌翻葆吹圭嬰奠靈  
衣壠日寒無影郊雲凍  
不飛君王留此地駟馬  
欲  
何歸

魯忠王挽詞三首

同盟會五月歸葬出三條  
日慘咸陽樹天寒渭水  
橋稍看朱鷺轉尚識紫  
駟騎寂寂泉臺恨從茲  
罷



玉簫

邦家錫寵光存沒貴忠良遂裂山河地追尊父子  
王人悲槐里月馬踏橫原霜別向天京北悠悠此  
路長

樹羽迎朝日撞鍾望早霞故人悲宿草中使慘晨  
笳氣有衝天劔星無犯斗槎唯餘孔公宅長接魯  
王家

范陽王挽詞二首

賢相稱邦傑清流舉代推公才掩諸夏文體變當

時賓吊翻成鶴人亡惜喻龜洛陽今紙貴猶寫太

冲詞

贈秩徽章洽求書祕草成客隨朝露盡人逐夜舟  
驚蒿里衣冠送松門印綬迎誰知楊伯起今日重  
哀榮

故趙王屬贈黃門侍郎上官公挽詞二首

韋門旌舊德班氏業前書謫去因丞相歸來爲婕  
妤周原烏相塚越嶺鴈隨車溟漠辭昭代空憐賦  
子虛



東坡圖書府  
卷之四  
新編  
綠車隨帝子青瑣翊宸機昔在朝歌騎今虛夕拜  
闡柳河悽挽曲薤露濕靈衣一厝窮泉閉雙鸞遂  
不飛

七言律詩

奉和春初幸太平公主南莊應制

青門路接鳳凰臺素澹宸遊龍騎來澗草自迎香  
輦合岩花應待御筵開文移北斗成天象酒過南  
山作壽杯此日侍臣將石去共歡明主賜金迴

三陽宮石崇侍燕應制得幽字

離宮祕苑勝瀛州別有仙人洞壑幽崑崙樹色入  
風冷石上泉聲帶雨秋鳥向歌筵來度曲雲依帳  
殿結爲樓微臣昔忝方明御今日還陪八駿遊

餞中書侍郎來濟

太宗集中  
亦有此作

曖曖去塵昏灞岸飛飛輕蓋指河梁雲峰衣結千  
重葉雪岫花開幾樹粧深悲黃鶴孤舟遠獨歎青  
山別路長却將分手沾襟淚還用持添離席觴

五言排律

奉和幸三會寺應制



六飛迴玉輦雙樹謁金仙瑞鳥呈書字神龍吐玉  
泉淨心遙証果睿相獨超禪塔湧香花地山圍日  
月天梵音迎漏徹空樂倚雲懸今日登仁壽長看  
法鏡圓

奉和幸神臯亭應制

清蹕喧黃道乘輿降紫宸霜戈凝曉日雲管發陽  
春臺古今疑漢林餘半識秦宴酣詩布澤節改令  
行仁昔恃山河險今依道德淳多慚獻嘉頌空累  
屬車塵

奉和幸長安故城未央宮應制

漢王未息戰蕭相乃營宮壯麗一朝盡威靈千載  
空皇明帳前跡置酒宴羣公寒輕綵仗外春發幔  
城中樂思迴斜日歌詞繼大風今朝天子貴不假  
叔孫通

奉和晦日幸昆明池應制

春豫靈池會滄波帳殿開舟凌石鯨度槎拂斗牛  
迴節晦蕙全落春遲柳暗催象溟看浴景燒劫辨  
沉灰鎬飲周文樂汾歌漢武才不愁明月盡自有



夜珠來

使過襄陽登鳳林寺閣

香閣臨清漢丹梯隱翠微林篁天際密人世谷中  
違苔石銜仙洞蓮舟泊釣磯山雲浮棟起江雨入  
庭飛信美雖南國嚴程限北歸幽尋不可再留步  
惜芳菲

登粵王臺

江上粵王臺登高望幾回南溟天外合北戶日邊  
開地濕煙常起山晴雨半來冬花採盧橘夏果摘

楊梅跡類虞翻枉人非賈誼才歸心不可見白髮  
重相催

春日鄭協律山亭陪宴餞鄭卿同用樓字

潘園枕郊郭愛客坐相求尊酒東城外驂駢南陌  
頭池平分洛水林缺見嵩丘暗竹侵山徑垂楊拂  
妓樓彩雲歌處斷遲日舞前留此地何年別蘭房  
空自幽

扈從登封告成頌應制

御路迴中岳天營接下都百靈無後至萬國競前



驅文衛嚴清蹕幽仙讀寶符貝花明漢果芝草入  
堯厨濟濟衣冠會喧喧夷夏俱宗禋仰神理刊木  
望川途撫已貧非病時來本不愚願陪丹鳳輦率  
舞白雲衢

奉和幸韋嗣立山莊侍宴應制

樞掖調梅暇林園藝槿初入朝榮劔履退食偶琴  
書地隱東岩室天迴北斗車旌門臨窳窳輦道屬  
扶疎雲漢明丹壑霜笳徹紫虛水疑投石處溪似  
釣璜餘帝澤頒卮酒人歡頌里閭一承黃竹詠長

奉白茆居

和姚給事寓直之作

清論滿朝陽高才拜夕郎還從避馬路來接珥  
行寵就黃扉日威迴白簡霜栢臺遷鳥茂蘭署得  
人芳禁靜鍾初徹更疎漏更長曉河低武庫流火  
度文昌寓直光輝重乘秋藻翰揚暗投空欲報下  
調不成章

早發始興江口至虛氏村作

候曉踰閩嶠乘春望越臺宿雲鵬際落殘月蚌中



開薜荔搖青氣枕柳翳碧苔桂香多露裊石嚮細  
泉回抱葉玄猿嘯嚼花翡翠來南中雖可悅北思  
日悠哉鬢髮俄成素丹心已作灰何當首歸路行  
剪故園萊

遊雲門寺

維舟探靜域作禮事尊經投跡一蕭散爲心自杳  
冥龕依大禹穴樓倚少微星沓嶂圍蘭若迴溪抱  
竹庭覺花塗砌白甘露洗山青鴈塔騫金地虹橋  
轉翠屏人天宵現景神鬼晝潛形理勝常虛寂緣  
空自感靈入禪從鶴統說法有龍聽劫累終期滅  
塵躬且未寧搖搖不安寐待月詠岩扃

發藤州

朝夕苦過征孤魂長自驚泛舟依鴈渚投館聽猿  
鳴石髮緣溪蔓林衣掃地輕雲峯刻不似苔蘚畫  
難成露裊千花氣泉和萬籟聲攀幽紅處歇躋險  
綠中行戀切芝蘭砌悲纏松柏塋丹心江北死白  
髮嶺南生魑魅天邊國窮愁海上城勞歌意無限  
今日爲誰明



宴安樂公主宅得空字

英藩築外館愛主出王宮  
賓至星槎落仙來月宇  
空玳梁翻賀燕金埒倚晴虹  
簫去秦臺裏書開魯  
壁中短歌能駐日艷舞欲嬌風  
聞有淹留處山阿  
滿桂叢

遊禹穴迴出石耶

禹穴今朝到耶溪  
此路通著書聞太史  
鍊藥有仙翁  
鶴往籠猶掛龍飛劍已空  
石帆搖海上天鏡落  
湖中水底零露白山  
邊墜葉紅歸舟何慮  
晚日暮

使樵風

奉和幸薦福寺

詩卽中宗舊宅

香刹中天起宸遊  
滿路輝乘龍太子去  
駕象法王歸殿飾  
金人影窻搖玉女  
靡稍迷新草木  
遍識舊庭闈  
水入禪心定雲從寶思飛  
欲知皇劫遠初拂六銖衣

遊稱心寺

釋事懷三隱清襟謁四禪  
江鳴潮未落林曉日初  
懸寶葉交香雨金沙吐細泉  
望諧舟客趣思發海



人煙顧櫪仍留馬乘杯久棄船未憂龜負岳且識  
鳥耘田理契都無象心冥不寄笮安期庶可揖天  
地得齊年

遊法華寺

高岫擬耆闍真乘引妙車空中結樓殿意表出雲  
霞後果纏三足前因感六牙宴林薰寶樹水溜滴  
金沙寒谷梅猶淺温庭橘未華臺香紅藥亂塔影  
綠篁遮果漸輪王族緣超梵帝家晨行踏忍草夜  
誦得靈化江郡將何匹天都亦未加朝來沿泛所

應是逐僊槎

奉和薦福寺應制

梵筵光聖邸仙豫覽宏規不改靈光殿因開功德  
池蓮生新步葉桂長昔攀枝湧塔庭中見飛樓海  
上移闡韶三月幸觀象七星危欲識龍歸處朝來  
雲氣隨

和庫部李員外秋夜寓直之作

相庭貽慶遠才子拜郎初起草儀仙閣焚香卧直  
廬更深河欲斷節勁柳偏疎氣耿凌雲筆心搖待



漏車叨榮厠儔侶省已惡空虛徒斐陽春和難參  
麗曲餘

酬李丹徒見贈之作

鎮吳稱粵里試劇仰通才近挹人披霧遙聞境震  
雷一朝逢解榻累日共嚙盃連轡登山盡浮舟望  
海迴以予慚拙宦期子遇良媒贈曲南鳧斷征途  
北鴈催更憐江上月還入鏡中開

早發韶州

炎徼行應盡迴瞻鄉路遙珠厓天外郡銅柱海南

標日夜清明少春冬霧雨饒身經大火熱顏入瘴  
江消觸影含沙怒逢人女草搖露濃看茵濕風颭  
覺船飄直禦魑將魅寧論鶴與鷄虞翻思報國許  
靖願歸朝綠樹秦京道青雲洛水橋故園長在目  
魂去不須招

宋公宅送審諫議

宋公爰創宅庾氏更誅茅間出人三秀平臨楚四  
郊漢臣來絳節荆牧動金鏡樽溢宜城酒笙裁曲  
沃匏露荷秋變節風柳夕鳴梢一散陽臺雨方隨



越鳥巢

送合宮蘇明府

鉉府誕英規公才天下知  
謂乘羔鴈族繼入鳳凰  
池赤縣求人隱青門起路岐  
翟迴車少別鳧化鳥  
遙馳神哭周南境童歌渭北垂  
賢哉荀奉倩來職  
佇來儀

送楊六望赴金水

借問梁山道嶽峯幾萬重  
遙州乃作路絕壁劔爲  
峰惜別路窮此留歡意不從  
憂來生白髮時晚愛

青松勿以西南遠夷歌寢盛容  
台階有高位寧復  
久臨卬

發端州初入西江

問我將何去清晨沂越溪  
翠微懸宿雨丹壑飲晴  
霓樹影稍雲密藤陰覆水低  
潮回出浦駛洲轉望  
鄉迷人意長懷北江行日向西  
破顏看鵲喜拭淚  
聽猿啼骨肉初分愛親朋  
忽解携路遙魂欲斷身  
辱理能齊疇日三山意于茲  
萬緒睽金陵有仙館  
即事尋丹梯



早入清遠峽

傳聞峽山好旭日棹前沂雨色搖丹嶂泉聲聒翠  
微兩岩天作帶萬壑樹披衣秋橘迎霜序春藤礙  
日輝翳潭花似織綠嶺竹成圍寂歷環沙浦葱蘢  
轉石圻露餘江未熱風落瘴初稀猿飲排虛上禽  
驚掠水飛榜童夷唱合樵女越吟歸良候斯爲美  
邊愁自有違誰言望鄉國流涕失芳菲

謁禹廟

夏王乘四載茲地發金符峻命終不易報功疇敢

踰先驅總昌會後至伏靈誅玉帛空天下衣冠照  
海隅旋聞厭黃屋便道出蒼梧林表祠轉茂山阿  
非詎枯舟遷龍負壑田變鳥耘蕪舊物森如在天  
威肅未殊玄夷屈瑤席玉女侍清都奕奕閨闈邃  
軒軒伏衛趨氣清連曙海雲白洗春湖猿嘯有時  
蒼禽言常自呼靈歆異蒸糈至樂匪笙竽茅殿今  
不襲梅梁古製無運逢日崇麗業盛荅昭蘇伊昔  
力云盡而今功尚敷揆材非箭美精享愧生芻郡  
職昧爲理拜空寧自誣下車霰已積攝事露行濡



東坡詩集卷下  
人隱冀多祐曷難霑薄軀

下桂江龍目灘

停午出灘險輕舟容易前峰攢入雲樹崖噴落江  
泉巨石潛山恠深篁隱洞仙鳥遊溪寂寂猿嘯嶺  
娟娟揮袂日凡幾我行途已千暝投蒼梧郡愁枕  
白雲眠

入瀧州江

孤舟泛盈盈江流日縱橫夜雜蛟螭寢晨披瘴癘  
行潭蒸水沫起山熱火雲生猿躩時能嘯鳶飛莫

敢鳴海窮南徼盡鄉遠北魂驚泣向文身國悲看  
鑿齒氓地偏多育蠱風惡好相鯨余本巖棲客悠  
哉慕玉京厚恩常顧答薄宦不祈成違隱乖求志  
披荒爲近名鏡愁玄髮改心負紫芝榮運啓中興  
曆時逢外域清秬應保忠信延促付神明

始安秋日

桂林風景異秋似洛陽春晚霽江天好分明愁殺  
人卷雲山颺颺碎石水磷磷世業事黃老妙年孤  
隱淪歸歟卧滄海何物貴吾身



五言絕句

渡漢江

嶺外音書斷，經冬復歷春。  
近鄉情更怯，不敢問來人。

河陽

昔日河陽縣，氛氳香氣多。  
曹娘嬌態盡，春樹不堪過。

嵩山夜還

家住嵩山下，好采舊山薇。  
自省遊泉石，何曾不夜歸。

歸

湖中別鑿上人

願與道林近，在意逍遙篇。  
自有靈佳寺，何用沃洲禪。

題鑿上人房二首

落花雙樹積芳草，一庭春玩之堪興。  
異何必見幽人。

晚入應真理，經行尙未回。  
房中無俗物，林下有青苔。



荅田徵君

出遊杳何處  
遲回伊洛間  
歸寢忽成夢  
宛在嵩丘山

傷曹娘

鳳飛樓伎絕  
鸞死鏡臺空  
獨憐脂粉氣  
猶著舞衣中

燕巢軍幕

非關憐翠幕  
不是厭朱樓  
故來呈燕領  
報道欲封侯

七言絕句

苑中遇雪應制

紫禁仙輿詔  
旦來青旂遙  
倚望春臺不知庭  
霰今朝落疑是林花  
昨夜開

送司馬道遊天台

羽客笙歌此地遠  
離筵數處白雲飛  
蓬萊闕下長相憶  
桐栢山頭去不歸

登逍遙樓

逍遙樓上望鄉關  
綠水泓澄雲霧間  
北去衡陽二



千里無因鴈足繫書還

奉和春日翫雪應制

北闕彤雲掩曙霞東風吹雪舞山家瓊章定少千  
人和銀樹長芳六出花

下嵩山歌

下嵩丘今多所思携佳人兮步遲遲松間明月長  
如此君再遊時復何時

傷曹娘二首

可憐冥寞去何之獨立丰茸無見期君看水上芙

蓉色恰似生前歌舞時

前溪妙舞今應盡子夜新歌遂不傳無復綺羅嬌  
白日直將珠玉閉黃泉

方九叙 謝敏行 沈仕 夏一鯨

王應辰 聞得仁 王一夔 張遜膚

王杵果 王杵杲 侯一麟 同閱

宋之問集卷下



